



Broj: 16-12-16-3424-*8* /17  
I. Sarajevo, *01.08* 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH”, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH”, broj 66/16) i Izvještaja o toku i završetku e-aukcije Agencije za javne nabavke od 14.07.2017. godine u postupku javne nabavke usluga pranja vozila Državne agencije za istrage i zaštitu, direktor Državne agencije za istrage i zaštitu, d o n o s i

### ODLUKU

o izboru najpovoljnijeg ponuđača za LOT 1 i LOT 4 po Konkurentskom zahtjevu za dostavljanje ponuda za javnu nabavku usluga pranja vozila Državne agencije za istrage i zaštitu

#### Član 1.

U postupku javne nabavke usluga pranja vozila Državne agencije za istrage i zaštitu, putem Konkurentskog zahtjeva za dostavljanje ponuda korištenjem e-aukcije, okvirni sporazum za period od dvije godine zaključuje se i to:

- Za LOT 1 sa ponuđačem ZUR Autopraonica „Kanebo“ Istočna Ilidža, ponuda broj 16-12-16-3424-6/17 od 28.06.2017. godine, za ponuđenu cijenu 31.135,20 KM bez PDV-a;
- Za LOT 4 sa ponuđačem „Autoperionica Dobro“ Čanković Dane s.p. Banja Luka, ponuda broj 16-12-16-3424-3/17 od 27.06.2017. godine, za ponuđenu cijenu 5.228,00 KM bez PDV-a.

#### Član 2.

Ponuđači iz člana 1. ove odluke obavezni su ugovornom organu, u roku od pet dana od dana prijema ove odluke, dostaviti dokaz o ispunjavanju uslova iz tačke. 3.1.1. Konkurentskog zahtjeva (original ili ovjerena kopija).

#### Član 3.

Prijedlog okvirnog sporazuma dostaviti će se na potpis izabranim ponuđačima, po proteku roka od 10 dana, računajući od dana od kada su svi ponuđači obaviješteni o izboru najpovoljnije ponude.

#### Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

#### Član 5.

Ova odluka objaviti će se na web stranici Državne agencije za istrage i zaštitu, istovremeno sa upućivanjem ponuđačima koji su učestvovali u postupku javne nabavke.

#### Član 6.

Ova odluka stupa na snagu danom donošenja.

### O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-3424-1/17 od 23.05.2017. godine pokrenut je postupak javne nabavke usluga pranja vozila Agencije, putem Konkurentskog zahtjeva, za koji je obavještenje o nabavci objavljeno na Portalu javnih nabavki broj 1161-7-2-410-3-38/17 od 15.06.2017. godine. Procijenjena vrijednost javne nabavke je 48.000,00 KM bez PDV-a, a za što su novčana sredstva obezbjeđena u okviru budžetskih sredstava za 2017. godinu i Dokumenta okvirnog budžeta 2017.-2019. godina.

Predmet javne nabavke podjeljen je na LOT-ove:

- LOT 1 - pranje vozila za sjedište Agencije u Istočnom Sarajevu, procijenjene vrijednosti 32.000,00 KM bez PDV-a;
- LOT 2 - pranje vozila za Regionalnu kancelariju Mostar, procijenjene vrijednosti 5.000,00 KM bez PDV-a;
- LOT 3 - pranje vozila za Regionalnu kancelariju Tuzla, procijenjene vrijednosti 5.000,00 KM bez PDV-a;
- LOT 4 - pranje vozila za Regionalnu kancelariju Banja Luka, procijenjene vrijednosti 6.000,00 KM bez PDV-a.

Obzirom da je tačkom 6. Konkurentskog zahtjeva navedeno da je rok za dostavljanje ponuda 28.06.2017. godine do 13,00 sati, te da se ponude dostavljaju u zatvorenoj koverti, Komisija I za nabavke za potrebe Državne agencije za istrage i zaštitu (u daljem tekstu: Komisija) je dana 28.06.2017. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene ukupno četiri ponude i to:

Redni broj.	Naziv ponuđača	LOT	Vrijednost ponude (bez PDV-a)
1.	„Autoperionica Dobro“ Čanković Dane s.p. Banja Luka	LOT 4	5.228,00 KM
2.	„Autostarčević“ d.o.o. Banja Luka	LOT 4	5.983,00 KM
3.	„Stara Ada“ d.o.o. Banja Luka	LOT 4	5.409,00 KM
4.	ZUR Autopraonica „Kanebo“ Istočna Ilidža	LOT 1	31.135,20 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen pregledanjem dokumentacije priložene uz ponude, a u cilju ocjenjivanja prihvatljivosti dostavljenih ponuda u smislu Pravilnika o uslovima i načinu korištenja e-aukcije („Službeni glasnik BiH“, broj 66/16) ( u daljem tekstu: Pravilnik) te njihove kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda Komisija je utvrdila da ponuđači „Autoperionica Dobro“ Čanković Dane s.p. Banja Luka, „Autostarčević“ d.o.o. Banja Luka, „Stara Ada“ d.o.o. Banja Luka i ZUR Autopraonica „Kanebo“ Istočna Ilidža ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, tehničke i profesionalne sposobnosti, kao i formalno-pravne uslove iz Konkurentskog zahtjeva, zbog čega su iste ocijenjene kao prihvatljive ponude. Također, Komisija je utvrdila da su ponuđači „Autoperionica Dobro“ Čanković Dane s.p. Banja Luka i „Stara Ada“ d.o.o. Banja Luka dostavili potvrdu-dokaz o primjeni preferencijalnog tretmana domaćeg, odnosno da uživaju preferencijalni tretman domaćeg iz tačke 8.3. Konkurentskog zahtjeva

Konkurentskim zahtjevom je bilo predviđeno da se za navedeni postupak javne nabavke pranja vozila Agencije provodi e-aukcija. Odredbom člana 3. stav (3) Pravilnika propisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa odredbom člana 69. Zakona. Obzirom da je za LOT 1 primljena jedna prihvatljiva ponuda, to u smislu Pravilnika e-aukcija nije zakazana, nego se postupak za navedeni LOT- okončan u skladu članom 69. Zakona.

Komisija je takođe utvrdila da za LOT 2 i LOT 3 u određenom krajnjem roku za dostavljanje ponuda nije dostavljena nijedna ponuda.

Budući da su za LOT 4 primljene tri prihvatljive ponude i to ponude ponuđača „Autoperionica Dobro“ Čanković Dane s.p. Banja Luka, „Autostarčević“ d.o.o. Banja Luka, „Stara Ada“ d.o.o. Banja Luka, Komisija je za iste zakazala e-aukciju dana 14.07.2017. godine u trajanju od 20 minuta u periodu od 14,00 do 14,20 sati. Prema Izvještaju o toku i završetku e-aukcije od 14.07.2017. godine konačna rang lista ponuđača koji su učestvovali u e-aukciji za LOT 4 je sljedeća:

Redni broj.	Naziv ponuđača	Vrijednost ponude (bez PDV-a)	Rang
1.	„Autoperionica Dobro“ Čanković Dane s.p. Banja Luka	5.228,00 KM	1
2.	„Stara Ada“ d.o.o. Banja Luka	5.409,00 KM	2
3.	„Autostarčević“ d.o.o. Banja Luka	5.983,00 KM	3

Obzirom na činjenicu da je ponuda ponuđača ZUR Autopraonica „Kanebo“ Istočna Ilidža za LOT 1 prihvatljiva i da ista ne premašuje procijenjenu vrijednost javne nabavke odlučeno je da se okvirni sporazum za usluge pranja vozila Agencije za LOT 1 zaključi sa ponuđačem ZUR Autopraonica „Kanebo“ Istočna Ilidža, a da se obzirom na Izvještaj o toku i završetku e-aukcije, za LOT 4 okvirni sporazum zaključi sa ponuđačem „Autoperionica Dobro“ Čanković Dane s.p. Banja Luka, a kako je navedeno u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

**DOSTAVLJENO:**

- Ponuđaču 4x,
- Sektoru za mat.-fin. poslove,
- a/a.

**DIREKTOR  
GLAVNI GENERALNI INSPEKTOR POLICIJE**

